

أدري عباس يخويه بغربتي
شمر وسنان يقود ابناقتي
تحدي بضعوني الغرب مدمع اعيوني يصب خويه عباس

خويه من بعدك أعاني وامشي ما بين الغرب
واحجي بدموع الملامه ودمعي بالحسره يصب
آني حرمة و اهلي صرعى امجزرين اعلى الترب
واصعب اللحظات عنهم ماشيه قوه وغصب

ما أشيل اسهام وقعت غايره بوسط القلب
من انوح و اشكي حالي يورموني بالضرب
آه يا ضيعة زماني وحسرتي ابذاك الدرب
وين ابو السجاد عني و وين حماي الحرب

ما تقوموا يه إخوتي تشاهدون الـ حالتي
من محبتي هالعتب من عذابي وغربتي

منهو غيرك يشيال العلم
يحمي خدري يخويه ياشهم
تحدي بضعوني الغرب مدمع اعيوني يصب
خويه عباس

أدري عباس يخويه بغربتي
شمر وسنان يقود ابناقتي
تحدي بضعوني الغرب مدمع اعيونني يصب خويه عباس

يا أبو فاضل فـ امان الله و أرجو المعذره
تدري عني يا كفيلى ماشيه بدرب السبا
لا تحاتي اختك تراهي صابره ومتصبره
صح اسيره وباقيه بدرب السبي متحجبه

ما اعتبكم يخوتي أدري بالصار وجرى
من شفتكم عالوطيه اجساد ويلي امتربه
هذا حالي بين أعادي دون سبع القنطره
يعجز الساني يوصفه ويا شعور الـ أكتبه

صحت لله المعذره في سجودي اشكره
راضيه بحكم القضا اعلى المصايب صابره

وبعباتي مشيت امحجبه
مو ذليله عفيفه في السبا
تحدي بضعوني الغرب مدمع اعيونني يصب
خويه عباس

أدري عباس يخويه بغربتي
شمر وسنان يقود ابناقتي
تحدي بضعوني الغرب مدمع اعيونني يصب خويه عباس

زينب آني وكل مصابي هالبشر ما تحمله
زينب آني الي ربيت اببيت أبويه امدله
زينب آني ودهري راواني فجايح مؤلمه
وطول عمري أبقى أنحب كربلا يا كربلا

أبتدي ابطلة القاسم للحرب لو ذبحته ؟
لو عن الأكبر أفصل ذبحته لو مقتله ؟
لو افصل مصرع العباس وعينه وقربته ؟
لو عن المظلوم أخويه المات ما حد غسله

بيوم عاشور الظهر رضضوا منه الصدر
عضو منه ما سلم وسلمت لله الأمر

راحوا اهلي وبقيت محيره
قيدونني بحبال مأسره
تحدي بضعوني الغرب مدمع اعيونني يصب
خويه عباس

أدري عباس يخويه بغربتي
شمر وسنان يقود ابناقتي
تحدي بضعوني الغرب مدمع اعيونني يصب خويه عباس

اصعب اللحظات ياويلي على بالي تمر
من أشاهد مصرع ابن امي دموعي تنهمر
باقيه في بالي هاللحظات مثلات الجمر
كل فجيعه الي شفتها باقيه وما تندثر

أبد ما انسى مصيبة يوم عاشور الظهر
باقيه في ذهني هاللحظه الى يوم الحشر
من بعد ذبحة ابو اليمه يكسرون الصدر
مغسل ابدمه وتكفنه ويلى خيول عشر

داسته خيول العده والحوافر جائره
عضو منه ما سلم والاضلاع امكسره

شاب راسي بمذابح كربله
قاسي دهري رمانى با لبله
تحدي بضعوني الغرب مدمع اعيونني يصب
خويه عباس